

主 黃季陸
編 中華民國史料叢編

民報

中華民國七十二年四月再版

中國國民黨
中央委員會黨史史料編纂委員會藏本
中華民國五十八年六月一日影印初版

民報

(精裝
八冊)

定價：臺幣二,四〇〇元
美金·六四元

版權所有·翻印必究

發行者：中國國民黨中央委員會黨史史料編纂委員會

經銷處：中

央文物供應社

臺灣省臺北市中山南路十一號之一
郵政劃撥帳戶二一八一號

印刷者：國

際印刷廠
臺灣省臺北市大同街一二五號

THE MINPAO MAGAZINE

8 Nichome Shinogawamachi
Ushigomeku

TOKYO JAPAN

民報

第貳拾壹號

Telegraphic address:

MINPAO TOKYO

(3287)

本報創刊八年十一月廿五日第三種郵便物認可
本報創刊四十二年六月十日發行

(每月一回十日發行)

民報第貳拾壹號目次

爆烈後之吳樹烈士

楊烈士卓林(在南京爲端方所害者)

●排滿平議……………太炎

●心理的國家主義……………縣解

●駁神我憲政說……………太炎

●駁中國用萬國新語說……………太炎

●譯叢

印度自由報……………臺山

印度社會報……………公俠

帝王暗殺之時代……………无首

●小說

一文錢……………三葉

●來稿

山西宣告討滿洲檄

印度國民討英吉利露布

朝鮮人之露布

美洲華僑致公堂宣言書

●附錄

桑淵遺徵……………漢思

●答夢庵……………太炎



(士烈樾吳之後裂爆)

Victim. Woo yue.

After being bombarded.
(3289)



(者害所方端爲京南在)

Victim. Yang Jouh Lin.

Being killed by Dwang Fong Viceroy of
the Lia-kaing Province.

(3291)

民報

(第貳拾壹號)

排滿平議

太炎

人有恆言曰。玉卮無當。雖寶非用。凡哲學之深密者。類之矣。無政府主義者。與中國情狀。不相應。是亦無當者也。其持論淺率。不周復。不可比於哲學。蓋非玉卮。又適爲牛角杯也。轉而向上言。公理者。與墨子「天志」相類。以理縛人。其去莊生之齊物。不逮尙遠。言幸福者。復與黃金時代之說同。其迷罔其去婆藪槃頭捨福之說。又愈遠矣。誠欲普度衆生。令一切得平等自由者。言無政府主義。不如言無生主義也。轉而向下。爲中國應急之方。言無政府主義。不如言民族主義也。今之非排滿者。稍異憲黨。蓋謂支那民族。自西方來。略苗人之地而有之。漢人視滿人爲當排。反顧苗人。則己亦在當排之數。是故復仇者。私言也。非公理也。且漢人以侵畧之怨。而殺侵畧者之子孫。被殺者之子孫。又殺漢人。則是復仇終無已也。今以強權凌轢吾民者。非獨

滿人雖漢人爲滿洲官吏者。其暴橫復與滿人無異。徒戮滿人可乎。吾則應之曰。漢族自西方來。非有歷史成證。徒以攷索比擬而得之。獨山海經言身毒爲軒轅所居。又異。今說非若滿洲之侵漢土。其記載具在也。大地初就。陂陀四隤。淫水浸其邊幅。是故人類所宅。獨在中央高原。漢族自波迷羅此大唐西域記所譯。字今門作帕米爾。來。雖無史籍根據。其理不誣。若是則苗人必不與魚鼈同生。其始亦當自西方高原來。二者理證相等。抑未知先據此土者爲苗人耶。爲漢人耶。尙攷苗種得名。其說各異。大江以南。陪屬猥貳之族。自周訖唐。通謂之蠻。別名則或言獠。言俚。言陸。梁未有謂之苗者。稱苗者自宋始。明非耆老相傳存此舊語。乃學者逆據尙書三苗之文。以相傳麗耳。漢時諸蠻無苗名。說尙書者固不以三苗爲荊蠻之族。虞書竄三苗於三危。馬季長曰。『三苗國名也。縉雲氏之後爲諸侯。蓋饗餐也。』淮南修務訓高誘註曰。『三苗蓋謂帝鴻氏之裔子渾敦。少昊氏之裔子窮奇。縉雲氏之裔子饗餐。三族之苗裔。故謂之三苗。』此則先漢諸師說三苗者。皆謂是神靈苗裔。與今時苗種不涉。或言今之苗種本由馬留合音。凡幽尤與宵肴豪。古今音皆相流變。故馬留切音爲苗。馬留亦作馬流。水經註。

引晉時豫章人俞益期與韓康伯書曰。『馬文淵立兩銅柱于林邑岸北。有遺兵十餘家不反。悉姓馬。自婚姻。今有二百戶。交州以其流寓。號曰馬流。言語飲食。尙與華同。』案馬流今音轉爲馬來。本是南方土着。稱以馬援舊部。諒爲失實。蓋難處既久。漢人亦自號馬流耳。

雙聲相轉。或謂之蠻。或謂之閩。皆自一語變化而成。其與三苗據師說則非一種。藉令馬高舊訓或有差譌。則三苗容是今之苗族然。其相宅神州與漢族孰先孰後。史官亦無以質言矣。假令苗族先來此土而漢族從後。侵畧之苗人視漢誠在當排之數。其或同時。至互爭邑落。是猶滇蜀間之爭火井。海濱種吉貝者之爭沙洲。兩無曲直得之。則是間田畝脫更無第三人爲其主者。既現爲漢人所有。則曰漢人所有而已。若漢族先來此土。更千百年。苗人隨而東下。以盜我田。竄竊我息壤。漢族復從後攘除之。是則漢族之驅苗族爲光復也。非侵畧也。今據歷史所書曰。『蚩尤惟始作亂。苗民弗用靈制。以刑。』皇帝哀矜庶戮之不辜。報虐以威。遏絕苗民。無世在下。皇帝清問下民。隸寡有辭於苗。乃命三后。恤功於民。』及言『分北三苗』諸事。而苗族漢族之來居此土先後未明。談者出其私臆。以爲漢族必侵畧苗民者。夫史籍所載。既已暗昧難知。則何事不可任臆。昔者大荔義渠蠻氏陸渾諸戎及赤狄白狄等。當春秋時。荐食中國。與諸夏盟會。秦自秦天下使蒙恬

將兵畧地。西逐諸戎。比卻衆狄。築長城以界之。及五胡俶擾。鮮卑宅于河洛。號曰元魏。分爲周齊。隋唐之興。鮮卑遂失其帝制。蒙古南牧。撫有神州。且及百祀。明祖驅之。令返塞外。使秦以前之史書皆滅。將謂中夏本戎狄舊邦。而秦皇以漢種侵略之矣。使隋唐以前之史書皆滅。將謂中夏本鮮卑舊邦。而隋唐諸帝以漢種篡取之矣。使明以前之史書皆滅。將謂中夏本蒙古舊邦。而明祖以漢種剽劫之矣。準此諸例。以爲漢族侵苗族者。其不根亦猶是爾。今以歷史成證言之。苗族之來先於漢族。非有符驗可尋也。漢族之來先於苗族。則猶有可質成者。案馬季長尙書注曰。『蚩尤。少昊之末九黎君名。』鄭君曰。『蚩尤霸天下。黃帝所伐者。學蚩尤爲此者。九黎之君。在少昊之代也。』如鄭君說。蚩尤非九黎。九黎亦非即今黎種。若從近人假定之言。苗即三苗。黎即九黎。蚩尤爲苗族酋豪。則歷史言苗族者。始此準逸周書嘗麥解。『昔天之初。命赤帝分正二卿。命蚩尤于宇。少昊以臨四方。蚩尤乃逐帝。爭于涿鹿之阿。九隅無遺。赤帝大懼。乃說于黃帝。執蚩尤。殺之于中冀。用名之曰絕轡之野。』準太史公五帝本紀。『神農氏世衰。諸侯相侵伐。蚩尤最爲暴。黃帝乃徵師諸侯。與蚩尤』

戰于涿鹿之野。遂禽殺蚩尤。而諸侯咸尊軒轅爲天子。代神農氏。是則苗族始入。乃在神農季世。當伏羲與神農全盛之代。未見有苗族蹤跡也。苗族未來而漢族已先見史傳。即明漢族之宅居此土。爲先于苗族矣。神農之末。既有諸侯。則蚩尤特諸侯之一。亦猶春秋戎狄列在會盟。豈一切諸侯皆苗族耶。由斯以談。赤帝之用蚩尤。亦猶唐代之用藩將。涿鹿之師與安史就誅相類。今有人曰。中國本胡人。安史二家所有。唐帝侵之。攘爲己地。孰不謂其繆于事情者。若循地望言之。蚩尤則不爲苗種。今之苗族聚處南方。吳起傳言三苗氏左洞庭右彭蠡。外國圖曰。『昔唐以天下授虞。有苗之君非之。苗之民浮黑水入南海。是爲三苗氏。去九疑三萬三千里。』太平御覽七百九十地望相應。故謂三苗即今苗族可也。而蚩尤與黃帝戰遠在涿鹿。涿鹿當今宣化府懷來縣。地北與章鷲比隣。長城未築。耕牧相望。夫胡之與越南北相懸。豈有匈奴三苗近在肘腋。且太昊都陳固已南封淮汝。而謂幽并之北尙有苗人。準度事情。鉏吾實甚。苗人之俗便山習水。不閑平地。縱令蠶食中區。亦不得遠至燕代。豈若匈奴游牧之民。奇畜橐佗。不遠千里。此則蚩尤非黎苗種。族粲然著明。若苗人本有大

國與漢族爭雖一敗不至。瓦解黃帝則不得遽登湘山。黃帝以前神農亦不得葬長沙也。據斯爲斷。三苗著見以少昊之末爲期。則漢族東來久矣。大抵人類皆自高原而降。從西方抵東土者。一出北道。則爲匈奴。一出中道。則爲諸夏。一出南道。則爲馬留匈奴之民。依沙漠而居。諸夏之民。據大陸而居。馬留之民。附洲島而居。所處不同。故職業亦異。凡諸夏所有者。經略萬里隴畝。旣成州閭。旣定而復有闌入此土者。則據左契而攘之。尙書言竄三苗。正若秦皇之驅戎狄。非苗人故有之地。而我侵畧之也。近代所稱支那本部者。獨涼肅諸州。取自匈奴。則漢書所謂武威張掖酒泉敦煌四郡。其他蓋鮮有攘取者。朝鮮本箕子衛滿之虛實。古營州舊域中間闊絕。而漢世復設立菟樂浪諸郡。今則已絕。福建兩廣安南者。所謂閩粵東粵南粵之地。漢書地理志曰。今之蒼梧鬱林合浦交趾九真南海日南。皆粵分也。其君禹後。帝少康之庶子。封于會稽。文身斷髮。以避蛟龍之害。後二十世。至句踐稱王。後五世。爲楚所滅。子孫分散。君服于楚。後十世。云。閩君搖佐諸侯平秦。漢興復立搖爲越王。是時秦南海尉趙佗亦自王傳國。至武時盡滅以爲郡。一明此數道夏時已隸中國上尋堯典。

則南交固在域中。言語相傳亦明。其故爲同種。水經注曰：「九真郡九德縣有九德浦。內徑越裳。究九德。究南陵。究竺枝扶南記。山溪瀨中謂之究。地理志曰：郡有小水五十二。并行大川。皆究之謂也。」水之限。陳曰：究與詩言芮。翰毛傳訓究。韓詩作坂者。音義正。同言語。同則種類一。明交州本是漢民。今安南已離爲異國。福建兩廣猶在版圖。要皆九州舊服。非取自苗人也。雲南川南川西川東貴州諸道者。昔嘗稱西南夷。自莊躋至滇池。略定其地。而地理志益州郡滇池縣有黑水祠。禹貢梁州之域。北抵華陽。南訖黑水。則滇池本在梁州之域。史記言昌意處若水而生顓頊。若水之流據水經：「出蜀郡旄牛徼外。至故關爲若水。南過越嶲邛都縣。西直南至會無縣。」注言：「南經雲南郡之遂久縣。青蛉水入焉。」是雲南在顓頊時已隸漢土。又說文云：「溫水出犍爲涪南入黔水。」水經云：「溫水出牂牁夜郎縣。」蓋西南有二溫水。亦猶秦蜀間有二漢水。此溫字本義則然。而經典已借溫爲寒溫之字。觀其字之有溫。知其地之內屬。且江河間未嘗有象。象之所出不在交趾。則在雲南。三苗未竄以前。舜弟已名爲象。益知產象之區。舊嘗著籍。故得有此文。此語爾王政陵遲諸

夷入處遂得西南夷名。至莊躋始開其地。唐蒙司馬相如之徒因而郡縣之。故亦光復舊疆。非取自苗人也。今人于西南襍姓多號爲苗。亦有譌謬不實者。據水經及華陽國志。『青衣水出青衣縣。縣故青衣羌國也。安帝延光元年。青衣王子心慕漢制。上求內附。』今人言青苗者。本青衣羌之別。而橫被以苗名。漢書西南夷傳。『自桐師以北至葉榆。名爲崑崙。自崑崙以東北。君長以十數。秣都最大。自秣以東北。君長以十數。冉駹最大。自駹以東北。君長以十數。白馬最大。皆氐類也。此皆巴蜀西南外蠻夷也。』今或稱爲番者。不失氐名。或稱爲苗。則誣甚。氐羌與漢古本一源。又不應以漢人侵苗說。此苗人之族。通言馬留。其駢近中國者。白衣種爲大緬甸。暹羅皆是類也。古者叢脞諸姓。時或闖入域中。自爲君長。所在剽劫。中國有良將士率父子之兵而逐之。猶故不徧往往竄入岫穴林莽之間。故有義陽五谿諸蠻。至今猶有稱洞苗者。非其分地素在是也。漢族之放流罪人與蠻種相習。狎勢不獨立。染其禮俗相與屯聚。因是亦以荆蠻得名。其後有分封者。扶老攜稚往臨斯土。欲因勢爲治。則或斷髮文身以就之。中原之吳楚於越亦準是謂之荆蠻矣。前者猶今內地回人非

大食花門之族。乃以漢人從其教者。後者猶今土司土府亦故漢種而從。俚繇之俗。是故南方諸郡。曠絕千載。復隸職方。民無所恨。此與滿洲之侵畧中國。豪忽無相似者。今云漢人排滿。對於苗。則漢亦應排。何所據依。而作此辯難耶。抑吾又聞之曰。近世無政府黨。以反對強權爲號者也。強權者。廣汎之稱。若漢人言排滿。得以苗人排漢。鉗其口。無政府黨言反對帝王。與資本家而禽畜昆蟲。亦可反對無政府黨帝王。資本家之於齊民。徒有束縛鎮制。非殺人而啖其肉。人於禽畜昆蟲。則強權有過是矣。瞻之在後。寧不可反唇相稽耶。若曰。吾所主持。獨以人道爲限。不及萬類。是亦可曰。人類之私言也。非公理也。至其言展轉相殺復仇。無己者。斯尤回過之辭。已復仇者。以正義反抗之名。非展轉相殺。謂之復仇。周官調人之職。『凡殺人而義者。不同國。令勿讎。讎之則死。』春秋公羊傳曰。『父不受誅。子復讎可也。父受誅。子復讎。推刃之道也。』何氏解詁曰。『一往一來曰推刃。』今滿洲以強暴侵畧漢族。殘其民。庶盜其政權。以漢人反抗滿人。則滿人爲受誅。漢人爲杖義。滿人復反抗之。則謂之竄竄豺羆之行而已矣。有盜人之田宅者。其故主訟於官治而復之。不然。則率其徒衆治而